

祖
刻

上海中醫學院

辛酉年秋印



施笠澤先生醫案

雲起堂醫案

本館藏板

題雲起堂診籍


余讀淳于意傳心異之異之非
異也方脉不爽其常也余因是
知天下事天下事如焦膺間有
疹疹矣而軒岐家昧疹所在如

焚火如凝水疹益以滋今天下
慘黷之慘盡如是而秦越人隔
垣之眡眡得疹所在而熨湯投
之立霍然也故淳于意不爽其
常也今則施沛然爲淳于矣醫

門多疾疾輒療療輒平世駭爲
神而沛然謂常也其於天之五
賊人之五內洞其生滅變化之
情而草木之滋如礮石中鵲也
謂今淳于豈虛哉沛然于軒岐

隱耳以籌戎壘何難平華裔之
疹也診籍謂卽漢淳于診籍可
也

吳爾成題



雲起堂診籍

笠澤居士施沛沛然父案

門人富元亮鈔畧

進士莫公謨患痰嗽。日吐痰數盂。形體瘦削。僉
曰火哉。純用柔劑。丁巳穀旦召余診。余曰此
肝乘脾也。脉浮而關絃。面黃而鼻青。補之則
瘳。瀉之則劇。用六君子湯。加酒炒芍藥。薑炒
黃連二劑。原醫者謂余不諳病情。主人復抑。

此場彼。仍用梔葉之屬。更教以神首佐饗。驗。
余謂伊舅曰。三日後大泄絕粒奈何。經云。陰
劑柔勝。積若凝水。爲洞泄寒中之屬。則真火
微而衛散。至三日果大瀉。脉脫。鼻息如水。口
不能言。亟召余。彼醫者亟謂余曰。脉脫矣。大
勢其在今日乎。急投附子。或可濟也。余笑曰。
無庸。昨梔葉而今烏附。何冰炭易反掌耶。上
人迎醫幾徧。各逞臆說。靡有適從。余曰。寒涼

過劑脾氣大傷。食復滯之。按腹作楚。先取山查作液少服。旋進獨參湯。病雖劇無慮也。用異攻散出入調理而安。

公謨病漸瘥而小便黃濁。一醫欲用滌滲之劑。

余曰。霸樞不云乎。中氣不足。洩便爲之變。但當仍守前散。加黃蘗一二分可也。醫曰。黃蘗一二分。遂足清利小便耶。余曰。子不觀之漉酒者乎。濁醪數斗。投以黃蘗少許。旋澄清徹。

底。豈一洩不足當之。衆皆大噱。用之果驗。

公謨病。服參芪數日後。每將昏反發熱。至丙夜得盜汗而解。余曰。此陰虛不勝其陽也。主人難曰。始無是症。今服參芪。亦云鞫矣。而陰反虛耶。余曰。不然。參芪雖能補陽助陰。而陰血未易驟生。用六味丸料加當歸人參橘皮。一劑而熱退汗止。後每以六味丸參苓白朮散間服。至秋全愈。

留都司契軒主人王于蕃。病形體如常。飲食漸減。丙辰十一月六日。召余診。神門脉已絕。余曰。主人越六日歿矣。歿在昧爽乎。其家目眩舌橋。流涕承睫。攬襟求治。余曰。雖虛扁復生。無能爲也。是夕。李小有招飲于范玄家。會冒伯磨。伯磨詢其故。余曰。神門脉絕者。法當六日歿。歿以平旦。况十三日卯時爲冬至。冬至陽生。今陰氣已絕。無以續陽。且病者安穀則

過期。不安。穀則不及期。今王于蕃不能飲食。
必在十二日卯時歿。衆皆錯愕。至十二天未
曙。其家人叩門稱謝曰。先生神矣。真不爽時
刻。敢以相聞。伯馨曾紀其事。

祠部吳玄水先生有僕婦姪。姪病嘔吐。四十日
不進糜飲。念七日不洩溺。衆以爲必歿矣。余
診六脉俱沉滑而數。曰。此痰因火搏凝結中
脘。陰陽失次。氣苞血聚。是謂關格。靡有攸處。

治之則生。不治則死。先生曰。雖有九仙之木。
精石髓。其如不內何。余曰。姑試之。乃用鷄脰
脰。沉下海石等。末之若塵。用甘瀾水濃煎。批
杷棗。取湯調服。始吐漸留。旋進香砂湯。一飲
而洩通。再飲而糜進。然喉中有物。哽哽。不能
上下。余曰。此病根也。仍用前湯探吐。吐出結
痰如門冬蓮實者三四枚。病遂瘳。姪亦無恙。
戶部許替勿先生。患痛痺。不能步履者幾浹旬。

矣。醫徧留都。無能取效。余友俞伯彭。迺先生
年家子也。謂先生曰。欲起是疾。非雲間施某
不可。當爲先生致之。先生唯唯。俞乃將先生
命召余。余往診曰。病得之暮不收拒。數九寒
風。立而使內。擾其筋骨。先生曰。然。然。人有語
其因者。疇昔之夏。祝融肆虐。竹几筐床。如焚
如炙。移榻露處。涼飈拂拂。越女揮扇。齊姬薦
蓆。行立坐臥。匪朝伊夕。豈以斯故。乃嬰厥疾。

余曰無難也。當爲先生起之。乃飲以升參虎骨酒。革薺蠲痺湯。不一月而病若失。步履如常矣。

孝廉唐後坡長公。患寒熱。面赤。頭齒太痛。余診之。脉洪而數。此熱症也。法當用白虎湯。大劑取効。每劑須用石膏一兩。投一劑而頭及齒痛俱已。寒熱亦除。但脉尚搏指。余曰須仍前再進一劑。不然兩日後定發斑矣。主人疑。謀

之顛利。曰。是何斗胆也。石藥豈堪重劑乎。服
不服。并不召余。余意其瘥矣。至半月後復求
治。余甚驚訝。乃知置余劑不服。兩日後果發
斑。斑十日不解。解後身猶灼熱。并告余故。余
曰。曲突徙薪。其有功乎。今而後始信余言不
謬矣。投柴苓芍藥湯一劑而熱退。後用寒水
調理而痊。

塾師盧九華。與表兄祁君彥交最善。病着痺。走

兄命余診。盧無子。寓于女家。先是盧召他醫診治。業已處劑。余診畢。謂曰。劑與証對。但不可責其近効。出謂其女家曰。病必不起。須善視之。歸即東報表兄曰。頃視盧恙已絕生理。其歿在初二酉時乎。是日去初二尚隔半月。皆以余言爲妄。屆期門人富元亮偕伴輩往。正值奄逝。

比部杜梅梁先生。封翁及乃弟。同日患滯下。糜